

DE SOMNO.

Cap. X.

DIXIMVS suprà, ingentem esse necessitatem utilitatemque vigiliarum, legitimarum ac modicarum: adeò ut in harum gratiam lux & tempus diurnum sit datum ac institutum: quo homo & omnia animalia, ad vitæ sustentationem, omnium actionum, laborum, negotiorumque curam vigilando sustineant: animaque & spiritus, tanquam idonea vigiliarum organa, tuhc diffusi ac distributi in singulas corporis partes: huic sensuum dona largiantur, & reliquas inducant facultates, ut sunt audiendi, videnti, odorandi, gustandi, tangendi, ambulandi, aliasq; functiones necessarias administrandi: Posteaquam itaque corpus, diurno hoc vigiliarum labore satis fatigatum ac defessum, incipit sensim languescere, sensus item torpescere ac paulatim obtundi: spiritusque resolvi ac dissipari: tunc ad horum omnium instaurationem ac refectionem, homo naestus est gratisimum illud nocturnæ quietis soporisq; beneficium: ex cuius debito legitimoque usu percipit infinitas ac maximas utilitates.

Etenim Somnus moderatus spirituum infirmitatibus medetur: perturbata mentis affe-^{Quanta so-}
mnia utilita-^{tes.}
tiones reprimit: cunctas facultates instaurat, ^{tes.}

cor-

corpus imbecillius redditum corroborat : alij
mentorum concoctionem & digestionem ad-
iuvat: crudiores humores coquit: membra la-
bore defatigata ac enervata reficit: omnis gene-
ris defluxiones impedit, caloremq; naturalem &
humorem radicalem adauget. Præterea illum
appellare licet refrigerium & solamen Spiritu-
um, omniumq; corporum ægrotorum morbi-
dorumque.

Hic nobis astipulatur Aegineta, qui dum tra-
stat quæstionem illam, quid sit somnus, has post-
ea ipsius eximias recenset utilitates, his verbis :

Somnus, inquit, animalium facultatum quies est,
 , , *bona humiditate cerebrum rigante contingens;*
 , , *Quod si recte admittatur, multa bona facere po-*
 , , *test. Nam & cibos concoquit, & dolorem miti-*
 , , *git, lassitudinesq; lenit, & distentorum laxita-*
 , , *tem efficit: sed & animalium affectionum obli-*
 , , *vionem inducere potest, & emotam mentis ra-*
 , , *tionem corrigere. Non igitur sine causa factum*
est, quod ab antiquis Poëtis appellatur pax &
tranquillitas omnium rerum, necnon quies Spi-
rituum: ita enim canit Ovidius his versibus :

Somne quies rerum, placidissime, Somne, Deorum,
Pax animi, quem cura fugit, tu pectora duris
Fessa ministerijs mulces, reparasq; labori.

Et Seneca in Tragœdia Herculis furiosi definit
sommum in hunc modum :

Tuq; ô domitor somne malorum,
Requies animi, pars humanae melior vite.

Hac ratione Somnus, ut seniori & Christiano
more loquamur, est Dei donum extitum ac

præ-

præstantissimum, generi humano in quietis locum datum. Vnde primus homo, tempore adhuc suæ integratæ, sensit ex permissione & voluntate divina, primas illas & singulæres somni virtutes, dum Deus illum sinebat labi in somnum profundum, ut de illius corpore sumeret costam, ex qua crearet sociam: Res certè plena maximi *Gen. c. 2.*
 & admirandi mysterii.

Eiusmodi singulæria commoda, & insignes utilitates, quæ somni beneficio in genus humænum derivantur, occasionem olim dederunt Ethnici, ut illum in Deorum numerum retulerint. Hinc factum est, ut hymnorum Orphei (qui author illorum æstimatur fuisse) unus dicatus sit Somno: quem Regem Deorum hominumque non veritus est nucupare. Hesiodus in Theogonia ipsum nominat filium Noctis. Hinc etiam ab Ovidio lib. Metam. relegatur ad Cimmerios Scythæ populos, quæ regiæ est frigidissima, glacialis & tenebriscosa: quo innuere vult, quod tempore hyemis, brumalisq; solstirii noctes sint longissimæ, quibus ut plurimum homines tempus dormiendo insuinan. Virgilius & alii Poætæ vocant ipsum mortis filium. Nihil enim est, quod proprius accedit ad similitudinem mortis, quodq; illam magis repræsentet, quam somnus, cuius lectus sepulchrum est. Hinc idem Ovidius arcem seu palatium Somni definiens, in hæc verba erumpit:

*Muta quies habitat; saxo tamen exit ab ima
 Rivus aquæ lethe.*

Paulo post addit:

Anite

Ante fores antris fæcunda papavera florente.

Eò quod omnia oblivioni tradantur tam in somno, quam in morte: Papaver namque inducit proprietas somnum & stupefacit. Hæc deprompta ex naturali Philosophia, sub illis fabulis & allegoriis tacite insinuant proprietates ipsius immoderati & præternaturalis somni: in quo sensuum functiones prorsus impeditæ ac prostratæ jacent: adeo ut aures non audiant: oculi non videant: os nihil loquatur: manus tangendi potestate priventur: pedesque ambulare non possint. Præterea, homo sensuum rationisque expers, vera & ipsissima mortis imago est, ut non male somnus adiutor dicitur.

Parò intemperatus eiusmodi somnus non est, nisi via quedam & dispositio ad lethargum, carum, apoplexiā & similes soporiferos affectus, qui sorores germanae sunt ipsius mortis, ipsorumque interventu tandem in illam delabimur.

De somniis utilitate. Redeatnus ad somnum moderatum, ac ostendamus, quoniam tempore eo debeamus commode uti: ubi ulterius diligenter consideranda veniunt ipsius qualitas, quantitas ac aliæ circumsistantiae, quæ hic occurunt scitu dignissimæ.

Iam antea diximus, quod dies factus sit in usum vigiliarum, ex quo concluditur, noctis tempus esse constitutum ordinatumque; pro quiete somnoque capessendo, qui tunc omnium naturalissimus, & maximè tempestivus judicatur.

Quoniam autem nulla est regula tam communis, quæ non aliquam admittat exceptionem, ita

ita & nos non omnino damnamus somnum diurnum in certis quibusdam hominibus, qui, si conservaverunt in multam vigilare noctem, tardiusq; ire cubitum, cogantur certè bona diei parte in quieti attribuere: Nolo autem hīc inferre, quasi ad hoc propositum solummodo sit requiringendum tempus matutinum: neque occasio-
ne in ansamque iis præbere, qui præsertim in au-
lis, vix ante horam decimam aut undecimam
antemeridianam è plumis stratisq; suis tandem
solent exurgere: sed potest in hanc rem eligi
tempestivius commodiusq; tempus, uti est po-
meridianum: hora scilicet una atque altera à
prandio. Quod tempus erit commodissimum
iis, qui dolore aliquo corporis, al. àe quadam
ægritudine impediti, nocturnam quietem cape-
re nequeunt. Item si quis tanta membrorum la-
stitudine premitur, ut erecto corpore stare ne-
queat, huic etiam permissum est paululum con-
quiescere, &c, si potest, dormire. Similiter & iis,
qui debili & imbecillo laborant ventriculo, ac in
quibus alimentorum concoctio difficulter, ma-
gnoq; negotio perficitur.

Sed necesse est, ut eiusmodi homines in sella
erecto capite dormiant: neque somnus excedat
spatium unius aut duarum horarum, idque fiat
prima aut secunda post prandium, ut dictum
est.

Hīc enim summoperè ac diligenter circum-
spiciendum est, ut & salubrior & tempestivior
deligatur somnus, qualis est nocturnus, tertia
ad pluriūm horā post cœnam inceptus: pro-
pterea

*Quibusq;
quando so-
mnus dur-
nus sit con-
cedendus,*

Quæ sit causa somni. pterè à quod talis somnus potentissima sit causa procreandorum benignorum ac salutarium vaporum , qui mediante alimentorum concoctione à ventriculo in cerebrum ascendunt , cuius naturali refrigerio congelantur ac condensantur , tandemq; convertuntur in rorem benignum utilem q; : quo suffunduntur meatus sensuum cerebri , aliarumq; partium , unde talis quedam oritur (si ita dicenda est) stupefactio , quam somnum appellamus .

Si igitur interposita aliqua mora eousq; vigilatur , donec vapores alimenti prorsus evanescent & consumantur (id quod post illius concoctionem perfectam , absolutamq; , quæ spatio quatuor , quinq; aut sex horarum , prout ventriculus se melius perusve habet , perficitur , fieri potest) somnus hoc modo vi quasi coactus , nulla ratione bonus erit , nec naturæ consentaneus . Id quod intelligi tantum velim de iis , qui bo-

Quibus in- terdicendus somnus. na temperataq; sunt corporis constitutione . Nam reperiuntur nonnulli , quorum cerebrum natu- râ tam humidum est & nubilosum , ut non indigeant eiusmodi alimentosorum vaporum ad somnum excitandum , sed sua sponte omnibus horis ac momentis somnolenti dormituriunt :

quibus potius interdicendus est somnus tam diurnus , quam nocturnus , nec nisi parcissimus concedendus .

Quod ad modum cubandi attinet , alii diuturna sed mala consuetudine resupini solent iacere , oculis sursum versis : alii vero in contrarium proni , ventre videlicet inferius versus lectum demis .

demisso: Sunt & aliae aliorum recubandi varietates, quæ nequitiam sunt probandæ. Hæc ratio optima, ubi in principio somni cubatur in dextrâ latus, postea post primum somnum in sinistrum: Situs verò supinus esto paucus ac rarus, ad evitandam renum inflammationem.

De quantitate, diuturnitate & brevitate somni diversæ sunt considerandi viæ, pro variis ne tempè *D: somni quantitate.*
differentiis, diversorum hominum temperamentorum, proq; multiplici ætatum aharumque circumstantiarum discriminine. Nam ii, quorū ventriculus benè temperatus, prompte & facile cibos coquit ac digerit, non tantum temporis dormiendi requirunt, quam illi, qui imbecillioris sunt ventriculi, quique ad promovendam digestionem auxilio aliquo externo indigent, quale est somnus, qui ad hoc institutum plurimum confort. Vbi prioribus illis sex aut septem horæ sufficiunt: hi verò plus temporis postulant. Iuvenibus sanis ac robustis satis erunt sex horæ: at plures sibi poscunt senes.

Ex his apparet, quomodo ratione temperici diversæ, & ætatis, quantitas, ac diuturnitas somni varietur.

Exempla somnolentia addam animi gratiâ. Endymion quidam à Luna ad amatus (ut fingunt *Somnus Endymionis*, Poëta) à Iove impetravit copiam perpetuò dormiendi in monte Atticæ in Caria sito: hæc impensa petitio omniq; reprehensione digna occasionem postea dedit adagio isti in homines somnolentos & desides: Endymionis somnum dormire. Vbi contra in honorem & gratiam illorum, queſt, Tasse,

R

*Civ. lib. 2.
lorum, queſt, Tasse.*

lorum, qui pro Reipub. commodo ac utilitate per multis noctes, assiduo literarum studio ac continuis vigiliis vacant, inventum est istud al-

Somnia Scopeliani vigilantia. terum: Scopeliano more invigilare: propter ea quod Scopelianus celebris Philosophus ac sophista inter ceteros minimè deditus erat somno: qui singulis noctibus, absolute studiorum pensio, inter ambulandam subinde hæc repetere solebat

Cel. lib. 20. cap. 11. an- verba: ô Nox, tu quidem sapientiae divinæ obtinetis plurimum. Contra P. Scipio (magnæ alias *tig. lect.* authoritatis vir) ob nimiam somnolentiam à Pop. Rom. publicis opprobriis & contumeliis affectus est. Plutarch. lib. polit.

Aristoteles ad fugiendam vitridamq; eiusmodi somnolentiam, grues imitatus, Sphærulam somnolentie manu tenebat, subiecto lebete æneo, quæ per somnum delapsa strepitu suo dormientein excitaret: ut Laertius in iplius vita comthemerat.

Lib. 16. A lexander Magnus. Aminianus Marcellinus simile quid enarrat de Alexandro Magno, Aristotelis discipulo: qui cum dormitaret, brachio extra cubile protenso, pilam tenuit argenteam supposita pelvi, ut cum nervorum rigorem sopor laxasset, pilæ elapsæ tinnitus somnum abrumperet. Vigilavit uterque tam pro literis, quam armis, dispari fine, eodem tamen imitaturis exemplo.

Iulianus Augustus Julianus Augustus tam extremè flagrabat a more & studio philosophiae, ut arma gerens contra Persas & Alemannos sive Teutones, à quibus licet variis ille modis, ac quam plurimis impedimentis irretitus & distractus tenebatur, nihilominus alacriter & summa cum dexterita-

te

te suo perfungeretur officio, humique iaceret dormiturus, totaque prope modum noctem scribendo ac legendo consumeret, dum interim reliqui somni beneficio fruentes, molliter conquiescerent: Sicq; noctem divideret in tria tempora, quietis, reipub. & Musarum, Alexandri *Marcel.lib:*
16.

Cum contrà, & olim, & nunc, omnes dormitatores, qui similes sunt Smyndyridæ Sybaritano, & Pontico Histriæ, qui se iactabant, viginti *Dormitatores.*
annis nec Orientem, nec Occidentem Solem vidisse (vox nec pecudis, nec hominis) omnes, inquam, tales dormitatores & somnolenti glires visi sint nihil aliud promeruisse, quam ignominiae ac vituperii opprobria: ut qui digni censendi sint appellari turpisimo & sordidisimo suum porcorumque nomine, quorum voluptas deliciae sunt cœno noctes & dies volvi.

Sapientiores Romani hanc conscientes sum- *Quare Ro-*
mam utilitatem & nobilitatem vigilæ, cuiusq; *mani olim*
beneficio rerum omnium actiones perficiantur, *dies initia*
Civilis diei initia à media nocte duxere: ut solis *à media no-*
exortus esset quidem operis initium, tempus ve- *cte duxer-*
rò quod præcedit, apparatu impenderetur. Quippe *unt.*
paratos instructosq; obire negotia oportet, *Cæl lib. II.*
non inter obeundum instrui appararive. *cap. I. an-*
tig. lecti

Quod ad incredibiles illos & nimis diuturnos somnos attinet, quibus complures olim fuerè correpti, si historiis credendam est, veluti est exemplum somni Epimenidis Cretensis, qui cum rasablegaretur oves pasturus, & ob nimis Solis meridiani ardorem existimque in antrum

R 2 aliquod

aliquid refrigerandi se causa, ingrederebatur: ibi somno oppressus dormivit per spatum quinquaginta septem annorum, ut Plinius & Apollonius volunt, aut quadraginta, juxta Paulaniam: eius generis sopores, quamvis scriptis historico-rum tum Græcorum, tum Latinorum pro veris passim approbentur, nihilominus tamen pro incredibilibus potius & prodigiosis habendi videntur.

Sic etiam miraculosa censenda est historia illa, cuius à Sigeberto in Chronicis, & ab aliis probatis historiographis Ecclesiasticis fit mentio: de septem illis dormientibus (ut vocantur) nempe Maximiano, Malcho, Martiniano, Dionysio, Ioanne, Serapiano, & Constantino, qui cum ob immanem & crudelem Decii persecutionem ex hominum conspectu abire, ac, ne forte proderentur, se in loco quodam remoto ac occulto abscondere constituerunt: in quandam tenebrosam ac inhospitam cavernam ingressi sunt, ut videlicet ibi per tempus aliquod laterent: Tandem autem, deliberatione factâ, cibisq; ad corporis recreationem sumptis, eam sententiam unanimiter omnes inierunt, multò videlicet sa-
tius sibi videri, si relicta istâ latibuli spelunca, in lucis propatulum prodirent, seseque impavido ac constanti animo, atrocissimo martyrii istius supplicio subjicerent: sed cum iam exituri essent è caverna, singulari Dei providentiâ subito, tam diurno ac profundo correpti sunt somno, ut ibi commorantes dormirent per 196. annorum spacium: sicuti id ex temporum computatione faci-

*Historia de
septem dor-
mientibus.*

facile colligitur. Nam expergefacti & resuscitati sunt à tanto somno, die paschatis, anni 30. regni Theodosii junioris. Hæc & similia, inquā, omnino sunt miraculosa, & captum ingenii nostri, omne inq; admirationem, imo & fidem excedunt.

Satis dictum est hactenus de his, quæ pertinent ad somni quantitatem: Transibimus nunc ad ipsius qualitatis considerationem, ubi se offerent quedam scitu quoque non indigna.

In quolibet somno solent plerumque appare-re insomnia & nocturnæ visiones, quæ ipsum non aliter ex accidente coinitantur, quam umbra corpus. Vnde mirari subit, quid sibi velit illud quod scriptum reperitur apud Plutarchum de quodam Cleone, item apud alios de quodam Thrasymede: nec non id, quod Herodotus ob-servavit, & post illum Pratensis, de Atlantibus videlicet, Aphricæ populis, quos affirmant nullis unquam somniis aut visionibus esse obnoxios, Quod utique vix credibile est. Fieri autem posse non negamus illos eiusmodi apparitionibus minus subiectos, minusve pronos ac proclives, idque peculiari quadam virtus ratione, aut singulari nativi proprii, temperamenti complexione: ut qui sint cerebro solidiore ac fortiore, à quo vapores illi & exhalationes, à quibus eiusmodi insomnia aliâs excitari solent, multò facilius citiusq; dissipentur.

Poëtarum est, fabulis suis aliquid utile innuere: inter quos Ovidius facile princeps lib. metamorph. similiter somno affinxit tres ministros,

*Somni acci-
dentiæ sunt
insomnia et
nocturnæ
visiones.
Lib. de ora-
culis.*

*Homines
quidam nul-
lis obnoxij
somniis.*

quorum primus ab eo appellatur Morpheus : qui in visionibus nocturnis humanas repræsentet figuræ, tam masculas, quam foemineas : ideoq; ab autore etiam dicitur

Artifex simulatorq; figura.

Alterius autem nomen est Icelus sive Phobetor, qui in somniis & visionibus refert animalium brutorum formas ac figuræ : de quo idem author his versibus :

*Fit fera, fit volucris, fit longo corpore serpens :
Et: Hunc Icelon superi, mortale Phobetora vulgas
Nominat.*

Et propterea, quod Phobetor in somniis repræsentat bruta animalia, quæ nobis terribilia vi- dentur ipsis hominibus, dictus est φόβετος, qui Græcis significat perterrefactorem.

Tertius Phantasus, qui in apparitionibus nocturnis repræsentat & exprimit omnis generis species ac formas illarum rerum, quæ animalis animæ sunt expertes.

*Tres som-
niiorum dif-
ferentia.
Lib. 10. cō-
ment. de di-
vinis.*

Horum autem somniorum ac visionum tres sunt differentiæ : vel enim illa sunt divina, vel supernatura : vel naturalia. Peucerus ea di- stinguit in divina, diabolica, allegorica, prædi- centia, & naturalia : quæ omnia ad hanc trium differentiarum classem, haud incommodè reduci possunt.

*Quid in
somnia di-
xeris obser-
vandum.*

Somniorum divinorum origo & inspiratio pendet à solo Deo Opt. Max, qui horum ad miniculo, tanquam idoneo medio & instru- mento usus ad Prophetas, suosque fideles ser- vos locutus est. De illorum autem veritate

aut

aut certitudine nemo sanæ mentis dubitabit unquam, modo ob oculos sibi ponant autorem, qui ipsa veritas est. Misit autem Deus spiritum suum, vel etiam angelos in hominum ministerium creatos, qui fidelib. per somnia revelarent omnia ea, quæ divina ipsius & bona voluntas decreverat, siue id spectaret communem ecclesiæ salutem, siue privatæ personæ consolationem aliquam: quamvis definitum temporis terminum Deus sibi soli reservarit. Eiusmodi revelationum visiones, dormientibus noctu contingebant, ut vide-re est ex somniis Danielis. Nonnunquam talia visionum genera habebant certas & peculiares eventuum significationes, ut ex plerisq; Patriarcharum, Prophetarum, item ex Sanctorum Petri Pauliq; in novo testamento somniis, colligitur. Voluit quoq; Deus eiusmodi apparitionum participes fieri nonnullos qui ab ecclesia separati erant: idq; in hunc finem, ut vel populo succurreretur, & mundanæ Reipub. consuleretur: vel ut specialiter domesticorum vitæ servandæ & incolumenti subveniretur, ut sunt somnia Pharaonis, ipsiusq; duorum ministrorum. Horum enim principalis & præcipuus finis erat, ut Ioseph ex diurno & indigno carcere liberaretur, & in aula Pharaonis Principem evehernetur, atq; ita totius Ægypti commodo & utilitati prospiceretur: tandem in specie quoque ut inde dominus & familia Iacobi Patriarchæ conservaretur. Sic nullum alium finem spectabat somnium Nebuchadnezaris, nisi ad emolummentum ac salutem Ecclesiæ Dei.

R 4

Diabo-

Diabolica somnia. Diabolus igitur hostis & contemtor maximus Dei & operum eius mirabilium, dum ipsa conatur imitari, potius ea corrumpit, depravat, & mentitur. Hinc in suam Synagogam introduxit falsa & abominanda sacrificia: sic etiam sua invexit perversa iniquitatis somnia, quæ, quamvis ad decipiendos solummodo homines, veritatis quandam speciem præ se ferant, non tamen nisi pura puta mendacia, & pernicioſe ac calamitofæ depravationes existunt: quod Deus fieri permittit in talium superstitionum idololatriarum justissimam poenam ac vindictam.

Duplicia sunt somnia diabolica. Erant autem hæc diabolica somnia divisa in duo genera: primum requisitorum vocabatur, ubi ab Ethnicis inquietudinis spiritu exagitatis, somnia illa requirebantur, & detestandis coniurationibus impetrabantur: cui execrandæ actioni, certa quædam loca & tempora destinata ac consecrata erant: in quibus illos, peractis prius memoratis istis coniurationibus ac ceremoniis, dormire oportebat: & quicquid inter dormendum somniabant oraculi loco habebatur.

Hæc autem sunt primaria loca istis somniorum accessendorum ritibus dicata: templum scilicet Amphiarei, & ara Ardalia in urbe Trœzene: quod misera Ethnicorum gens, turmatim ab omnibus mundi angulis convolabant.

Præter hæc alia quoq; erant: ut antrum Charonis in urbe Tralles: & in Ægypto templum Isidis, Deæq; Melopidæ: nec non in Epidaurio templum Esculapii, in quo, prout Ethnici certo sibi persuadebant, ægroti, qui illuc veniebant,

cer-

certissima & aptissima remedia per somniorum visiones inveniebant, ad curandos proprios morborum vel etiam deploratissimorum & immedicabilium languores & infirmitates. De cuius rei effectis portentosis ac prodigiosis, paucim literis proditum est in historiarum commentariis. In eodem Aesculapii templo, ut refert *Satana a-
Pausanias*, erat columnæ, quibus in- *statia*. sculpta ernebantur, cum nomina eorum, qui sanitatem recuperaverant, tum etiam remedia, quibus ex consilio Oraculi ac visionum, ipsis dato, usi fuerant.

Ideum mos fuit apud Romanos usque ad Antoninorum tempora, id quod ex tabella marmorea Romæ in Aesculapii templo in insula Tiberina inventa, & usque in hanc diem apud Maphæos conservata, intelligere licet. In qua tabula, teste Hieronymo Mercuriali, medico doctissimo ac celeberrimo, scriptum reperitur (scriptura est translata è Græco in Latinum) quomodo oraculum docuerit Caium & Valerium utrumque cæcum, modum recuperandi visum: idque factum est publicè coram omni populo, & maximo cum applausu. Item aliud remedium, pro cruenta sanguinis spuitione revelatum fuit per Oraculum Iuliano: & cuidam Lucio, qui gravissimo laterum dolore laborabat, adeo ut prorsus desperatus ab omnibus resinxeretur, remedia illa, qualia fuerint, notata invenies in ipsa tabula.

Est adhuc, præter illa requisitoria somnia, aliud somniorum diabolicorum genus, quod *genus som-*

R 5 inopi-

Alterum

niorum dia- inopinatum dicitur; propterea quod eiusmodi
bolicorum. somnia accidere solent ex improviso, præterque
 omnem spem & expectationem, quæq; neq; ac-
 cersita neq; postulata unquam fuere; idq; ex solo
 diaboli instigatu & fraudulenta machinatione,
 dum modò hoc, modò illud ad prædicendum
 præagiendumque sese offert: solummodo in
 eum finem, ut imponat illis, quos insidiosis suis
 falsarum persuasionum, præstigiariumque easpsi-
 bus irretitos ac captivos tenet. Id quod abunde
 testantur somnia veneficorum, nigromantico-
 rum & talium fanaticorum hominum, qui Eq-
 thusiasmo, nescio quo, afflati creduntur.

Sed relictis his somniis & terriculamentis
 diaboliciis, nos ad illas somniorum differentias,
 soprâ à nobis constitutas, recurramus: ubi pri-
 mo loco de divinis egimus: sequuntur nunc or-
 dine supernaturalia, quæ medio loco se habent
 inter divina & naturalia: utpote quorum causæ,
 neque ad ipsum Deum immediate referendæ
 sint, neque etiam ad pravorum humorum ma-
 lignitatem, à quibus naturalium somniorum o-
 rigo dependet. Sed ad animam nostram, quæ
 dormiente etiam corpore, vigilat: quæque ra-
 ptu quodam supernaturali excitata, præsertim
 bono genio inspirante, per somnum ac visiones
 nobis repræsentat multa phantasmatæ, quæ ple-
 rumque certi aliquid præagiunt, quorum certi-
 tudo ut plurimum per rerum eventum cognosci-
 tur.

Solent autem eiusmodi somnia plerumque
 matutino tempore contingere, quando nimis
 cere-

*Somnia su-
 pernaturalia.*

cerebrum est liberum, & à vaporosis istis ciborum exhalationibus immune, que alijs illud of- fuscarent, & eius generis visionibus obstaculo essent.

Exempla eiusmodi somniorum quam plu- ma passim occurunt, ubi somniantibus sèpenu- mero visum fuit, aut in morbum aliquem inci- disse, aut ab eodem convaluisse: quibus visioni- bus postea respondit suniliter eventus ad omnia, quæ in somnis anteā præviderant: quamvis illa non fuerint neq; citata neq; postulata, sicut acciri solent diabolica somnia.

Ælius Aristides Rhetor Smyrneus, cum quon- Aelii Ars^s
dam peste laboraret, somniabat se Lysin^s, poste- stidēs alio-
riorem fabulae partem videre, ex quo somno rūm^s; pīne-
convaluit. ^{rit̄ somnia,}

Phayllus dux Phocensium, sub initia sui impe- rii effigie cuidam ærex, (quæ Delphis inter do- eorumq; ef-
stidēs alio-
naria spectabatur, ab Hippocrate Medico dedi- fectus.
Pausan.
lib. 10.
cata) homini cui carne consumpta sola superel- fent ossa similem se somniabat: nec multis post diebus tare perii.

Quidam, ut refert Celsus ex Galeno, vissunt Cal. l. 27. c.
in somnis, pedes in sapideam substantiam indu- 15. ant. letb.
ruisse: non longè post paralyssi infestabatur ea
pars pedis, ubi nulla mali suspicio anteā à medi-
cis deprehensa fuerat.

Arnoldo de Villa nova insigni medico, sicut
scribit Fulgosius l. 1. c. 5. noctu in somnis visum
fuit cato quodam nigri coloris in pede se saucia-
rum: sequenti statim die erupit in eadem pedis
regione, malignum & cancrosum ulcus.

Aven-

Auenzoar, in somni visione, invenit medicum, quo oculi affectum curavit: in cuius diuturna inquisitione, incassum antehac laboraverat; ut scribit idem Fulgosius,

Artemidorus scribit lib. 5. quod aliquis in somnis sibi visus fuerit accepisse vulnus à Marte: cui ex tempore quoque prorupit ulcus in podice: quo lecto apertoque lanceola quadam, subito restitutus fuit.

Aelian. in lib. var. 12. illu. stris mortis quam mater ob difficultorem partum eiusdem mortem appetierat) à parente suo, singulariter de Aspasia modestia disciplinaque fuit enutrita ac educta.

Extat apud Aelianum historia quedam memoranda de Aspasia, filia Hermotimi, quae (postmodum de Aspasia) quam mater ob difficultatem partum eiusdem mortis appetierat) à parente suo, singulariter de Aspasia modestia disciplinaque fuit enutrita ac educta. Hæc frequenter admodum somniabat se nupsisse cuidam specioso, eleganti ac magno viro: sed dum interea temporis tardius labentis, mora aliqua introducitur: accidit, ut forte in ipsius mento tumor quidam ingens enasceretur: qui ob eius insignem magnitudinem & horribilem aspectum faciei pristinam formam totam immutavit, eamq; adeo deturpavit, ut sine summa molestia ac animi ægritudine, id neque parens, neque ipsamer etiam ferre posset. Hinc motus parens, in consilium, auxiliumque filiae accessivit medicum: is ubi rem cognovit, continuo eam percurrandam suscepit, sed ea lege, si tres sibi stateres persolverentur. Cum autem pater tantum se non habere diceret, medicus puellam incuratam dimisit, quæ ob id in acerbissimo luctu versata est. Verum postea cum præ dolore non cenasset, planè opportunus

eam

eam somnus invasit. In somno autem visio oblata, haec verba protulit: Bono animo esto: valeant medici cum suis pharmacis: Tu vero rosam Veneris cape, eamque contritam tuberi impote. Haec ubi audisset & executa esset, tuber evanuit. Porro Aspasia inter omnes pueras, adeo forma, vita honestate, incorruptisq; moribus emicuit, ut primum Cyro Persarum Regi, eo autem interfecto, Artaxerxi etiam nupsserit.

Plinius narrat historiam de matre militis, qui *plin.lib. 25*
longiori loci distantia ab ea remotus erat: Haec *cap. 2.*
admonita fuit per visionem, ut colligeret radice
rosa sylvestris, quae Cynorrhodon alias di-
citur: quam ipsa die praeterito hesterno, in hor-
to cum animi quadam delectatione ac volu-
ptate aspexisset: & ut eandem radicem illico
mitteret ad filium suum, qua in lacte infusa
macerataque, pro potionē medica uteatur. Id
quod mater fecit. Ethinc paulo post accidit, ut
miles iste, unā cum ipso medicamento, matris
acciperet literas, quibus filium summopere
hortabatur, ut sine mora exequeretur id, quod
scriptum esset in literis. O quam opportunum
certe nuncium! Nam miser ille tunc temporis
Iesus canis rabiosi morsu, in tanto vita pericu-
lo versabatur, ut ex huius veneni, profundiores
radices agentis, nimia atrocitate, jam incidisset
in hydrophobiam, quae mortis certissimum in-
dicium est: hoc autem matris usurpato remedio,
ab interitu se inopinato præservavit: quod post
ea à multis aliis feliciter quoque usurpatum pro-
batumque fuit.

Haec

*Herba con-
tra morsum
rabiosi ca-
nis.*

Hæc dicta sunt de morbis, deque horum curandi ratione, desumpta ex somniiorum visionumque nocturnarum præfigiis ac prædictiōibus.

Ex his jam intelligi potest, quanta sit vis & efficacia somniorum, ut quorum beneficio ac interventu quam plurimi, in virtute etiam discrimine constituti, evaserint. Hæc tamen à nobis non dicuntur in eum finem, quasi ad nimiam superstitionemq; somniorum observandorum diligentiam quemvis pellicere velimus: cum somnia interdum fallere possint: sed nostrum est propositum solummodo indicare & commonefacere, non semper contemnenda esse eadem, legemque illam Catonis, *Somnia ne cures*, non ita generaliter de omnibus somniis, sed cum certa quadam limitatione intelligendam esse.

Cic. lib. 2. Simonides per somnum admonitus, ne illo de divinat.

die quem constituerat, se coimmiteret mari, salutem tariter obtemperavit: Nam reliqui omnes, qui tunc navem concenderant, huicbus & procellis in conspectu eius obruti sunt: ipse interim sibi gratulatus est, quod vitam somnio, quam navi credere maluisse.

Plutarch. Themistocles etiam ex maximis insidiis, quas Aliud *The* ipsi struxerat quidam Epixyes in pago Leontocephalo (quod significat Leonis caput) liber & incolumis evaluit: cum nimirum in somnio vidisset matrem his illum verbis alloquentem: *Evita Themistocles Leonum caput, ne in leonem incuras.*

Cicero in eodem libro divinationum: & Suetonius

tonius in vita Augusti Octavii quoq; referunt: cum copiae Augusti & Antonii ex una parte, & ex altera Bruti & Cæsari jam instructæ essent ad prælium committendum in campis Philippicis: M. Artorium, Medicum Augusti, oblata visione, Mandatum à Minerva accepisse, ut hortaretur Octavium tunc ægrum, ne se contineret etiam per morbum, quin ipse met in præsens iret prælium. Quod cum Cæsar audivisset, lectica se in aciem ferri jussit: in qua cum supra vires pro victoria laborasset, morbo liberatus est, & à Bruti militibus, de cæde eius cogitantibus, castraque diripientibus, & lecticam inanem jaculis & pilis trajicientibus, liberatus.

Quot regnum ac imperiorum mutationes ac translationes, per somnia ac visiones, longo ante tempore, prævisæ ac prædictæ sunt à multis potentissimis ac summis viris, aut etiam ipsorum propinquis & cognatis, ad quos regna illa ac imperia postea pervenerunt?

Olympiæ matri Alexandri, visum est in somnis prima nocte, qua legitimo ac matrimoniali Olympiae & thoro Philippo, marito suo, jungsatur: è visceribus suis profiliisse tonitru imponentium & fulgoris. Maco: cuius flamma fusa in amplissima & remotissima quæq; loca diffunderet. Philippus similiter somniabat eadem nocte, se in ventrem Olympiæ, uxoris suæ, impressisse fortissimum quendam leonem. Omnia hæc præsigebant Alexандri filii ipsorum, summam imperii alicuius amplitudinem ac maximam potestatem. Hæc in vita ALEXANDRI apud Plutarchum, & Sabellium.

Somniuns
Olympia &
Philippi re-
bus suis pro-
filiisse tonitru im-
ponentium & fulgoris.
Maco:
cuius flamma fusa in amplissima & remotissima
quæq; loca diffunderet. Philippus similiter somniabat eadem nocte, se in ventrem Olympiæ, uxoris suæ, impressisse fortissimum quendam leonem. Omnia hæc præsigebant Alexандri filii ipsorum, summam imperii alicuius amplitudinem ac maximam potestatem. Hæc in vita ALEXANDRI apud Plutarchum, & Sabellium.

Sabelli lib.
Anti. 9. cap. 9.

Allud so- Antigonus somniauit se à Mithridate, (quem
mnum. *An* cum filio suo Demetrio intimo amico , simul e-
ducabat ac sustentabat) regno suo spoliatum &
expulsum fuisse. Quod somnium Antigonus filio
suo Demetrio revelavit, sed ea juramenti lege,
ne verbum quidem referret ad Mithridatem,
quem adeo amabat: quemque Antigonus con-
stituerat, clam interficere. Demetrius, licet si-
lentii juramentum præstiterit, & gerrimè tamen
ferens hoc patris nefandum consilium, in ne-
cem amici sui fidelissimi, suscepimus : cogitare
cœpit de ratione præmonendi de hac re Mithri-
datem, & cum ambo soli essent, accepit telum
suum, cuius acie hæc in terram exarabat verba:
Fuge Mithridates : Quod simul ac intellexerat
Mithridates, statim arrepta fugâ, sequenti nocte
trajecit in Cappadociam usque : Id somnium au-
tem Antigoni , mox fatum comprobavit: am-
plam enim & bonam regionem Mithridates re-
gni Pontici occupavit: sicut habetus apud Plu-
tarachum in vita Demetrii.

Iulius Cæsar, antequam Dictatoris nomen &
dignitatem gessisset, per somnium visus cum ma-
tre sua concubuisse: quod (ut somniorum con-
jectores interpretati sunt) terrarum imperium
Plutarach. in illi promittebat: cùm terra sit omnia mater,
vita Cæs. quam subactam sibi viderat per quietem.

Somnium Octavius & Actia parentes Augusti Cæfaris
Ottavii & videbant in somnio, filium suum magnum olim
Aelie pa- monarcham futurum: quod idem viderant Phi-
rentio Au- lippus & Olympias, ut suprà diximus. Nam
gusti Cæs. Actia dormiens in Apollinis templo, visa est
cum

eum draconem commisceri, peperitque expletis ad pariendum mensibus. Ad hæc, antequam pareret, somniavit viscera sua sublime in celum ferrari, & in totum terrarum orbem diffundi. Eadem nocte Octavius Solem ex utero uxoris oriri in somnis vidit. Nigidius Figulus Senator statim patri sumnum imperium praedixit. De his consule Suetonium in vita Augusti.

Trajanus, Hadrianus & Marcus Antoninus Philosophus eadem somnia & visiones habebant, priusquam ad imperii gubernacula accesserunt. Sicut scribunt Xiphilinus, & Dion Nicæus in illorum vita.

Sed, ne solummodo profanas historias, in mirabilibus eiusmodi somniorum & visionum effectis demonstrandis, afferamus, loco conclusio-
nis annexemus adhuc unicum verissimum exemplum, quod literarum monumentis manda-
tum apud Theodoreum lib. 5. cap. 6. & 7. & alios Ecclesiasticos Doctores: quod de verbo ad ver-
bum transcriptum ita habet:

Theodosius dux exercitus adversus barbaros à Gratiiano imperatore constitutus, oblatam si- bi in somnis Meletii Antiocheni imaginem vi- notatus dicit, paludamentum sibi Imperatorium itijicere gnum.

& coronam capitii imponere: nec caruit eventu visio. Nam bello feliciter contra barbaros con- fecto, à Gratiano paulò post imperator desig-
tus est. Annoque sui imperii tertio, Christi 383 Synodum Constantinopolitanam pro fide Ni-
cena confirmanda indixit. Cum Episcopi con- venissent, Imperator Meletium sibi indicari ve-

S
tuis,

uit, facturus periculum, utrum imaginis pér somnium conspectus, vera esset Meletii facies respondura. Ingressus ad patres ad Meletium confessum agnitus accurrit, eumque complectens osculatus est, & somnium coram omnibus exposuit.

Satis dictum est de somniis supernaturalibus, quorum nonnulla divinorum naturam non obscurè emulantur. Reliquum est, ut nunc agamus de naturalibus, ut quae specialiter ad Medicis considerationem pertineant. Somnia naturalia sunt passionum animi & corporis indicia: proinde sunt à Medico contemplanda, vt ait Aristoteles. De his etiam scriperunt Hippocrates, Galenus pluresque alii medici, sed plenissime Artemidorus.

*Autores
qui de som-
niis scrip-
serunt.*

Suscitantur eiusmodi somnia plerumq; à cau-
ris cùm externis, tūm internis: Externæ sunt,
niorum causas ciborum, copiosos vapores excitantium, &
causa externea. eorūt, qui gignunt sanguinem torridum & me-
lancholicum: Ex intempestiis caulinum usū tri-
stia somnia suboriuntur: phaseli turbulentia in-
somnia inducunt: Cæpæ & allia terribilia. Ita
etiam aliorum ciborum noxiiorum intmodera-
tus usus potest dormientes eiusmodi molestis
& tristibus visionibus perturbare. Hæc omnia
pendent à causa externa: sicut & aliarum mira-
bilium visionum causæ creduntur esse varia ani-
malium corda, capita, & dormientium capitibus
supposita, vt docet Albertus magnus. Ad e-
andem quoque causarum externarum familiam
referre licet id quod Olaus notavit in suo lib.
18. cap. 8. Hæc sunt eius verba: In Suecia sep-
tentrio-

tentrionali Gulo animal voracissimum capitur :
Pellis eius pretiosissima : dormientibus sub ha-
rūm pellium tegumentis evenire solent somnia,
quasi eius animalis vitæ naturæq; conformia, &
cum insatiabili vorandi cupiditate, & bestiis in-
sidiis faciendis & præcavendis.

Quod ad causas internas attinet: illæ sunt hu-
mores maligni atque melancholici, qui tenebro-
sa sua caligine mentis lucem obscurant, illique
varia molestiarum genera imprimunt: ut mani-
festè conspicitur in omnibus iis, qui melancholi-
co temperamento sunt prædicti.

Sed, quod magis stupendum est, eiusmodi
somnia & visiones, non tantum sensuum fun-
ctiones, sed ipsius etiam motus, afficiunt.

Testis est Theon Stoicus, qui inter dormien-
dum ambulabat: eiusdem rei testimonium per-
hibet servus Periclis, qui domus teclum dormi-
ens concendebat.

Huius quoque testis extat ipse Galenus de se
ipso scribens lib. 2. de motu muscularum cap. 4:
Qui noctu aliquando iter faciens obdormivit in-
ter eundum, & stadium fermè integrum dormia-
endo peregit, somnia videns, nec prius excitatus
est, quam in lapideum pede impiegisset.

Remedia igitur, quæ ad præcavenda eius-
modi somnia, bonam noctis quietem inter- Remedia
ad somnia
turbantia, adhiberi debent, talia sunt: ut vide-
licet ab initio imprimis cuivis caveatur ab omni- molesta
nium ciborum usu, qui illorum causam fovere
possint: utque prætereat usurpentur remedia,
purgantia humores istos melancholicos, qui ta-

S 2 lia in

lia in nobis somnia plerunque excitant: ut adhibentur quoque corrigentia atque alterantia, antidoti & medicamenta alia appropriata: item revulsiones ac derivationes ad dissipandam nimiam fumosorum vaporum exhalationem, qui ascendentis in cerebrum, talium inolestarum causa existunt: ut denique non omissantur etiam opportuno tempore & loco sanguinis missio, cucurbitularum applicatio & alia remedia à Chirurgia mutuata.

Simplicia quada medicamenta contra insomnia. Medicamina particularia sunt, semina lactucæ in juscule sumpta: semina quinetiam portulacæ lecto imposita, insomia arcent secundum Avicennam. Albertus laudat pulverem cutis serpentis pulvinari suppositum. Margaritæ suspensa collo timorem in somnio abigunt, secundum Avicennam. Anisum insomia levat suspensum in pulvino, ut dormientes olfacent, juxta Plinii. Galenus commendat anethum sub cervicali positum ad sterentes, & eos qui è lecto exiliunt. Et Rasis dicit, quod dentes equi positi sub capite dormientis, eum continent. Coronidis loco, hoc quoque tibi somnum conciliabit tutissimum, ad insomnia, phantasmatæ, & malos spiritus profligandos, Deo se se commendare ab eoque custodiā bonorum geniorum exorare.

DE